

四庫全書

子部

欽定四庫全書

子部

六藝之一錄卷三百二十六

詳校官中書

臣陸

湘

貢外郎

臣

牛稔文覆勘

總校官檢討

臣何思鈞

校對官中書

臣鮑之鍾

謄錄監生

臣錢萬卷

欽定四庫全書

六藝之一錄卷三百二十六

錢唐倪濤撰

歷朝書譜

唐

魏徵

魏徵字玄成魏州曲城人少孤有大志通貫書術從
李密東京師權秘書丞貞觀中為侍中進鄭國公拜
特進知門下省事太子太師謚曰文貞

唐書
本傳

貞觀中搜訪王右軍等真蹟帝令魏少師虞永興褚河南等定其真偽又令魏褚等更署名其後

章述叙書錄

魏叔瑜

魏叔瑜相州曲城人徵季子豫州刺史善草隸以筆

意傳其子華及甥薛稷

唐書魏徵傳

魏叔琬

魏叔琬叔瑜兄亦善書

墨池編

魏華

魏華叔瑜次子檢校太子左庶子武陽縣男世稱善

書者前有虞褚後有薛魏

唐書魏微傳

華好書翰初與薛稷俱師於褚後習右軍行草其迹

遂過於師

書小史

房玄齡

房玄齡字喬齊州臨淄人彥謙子幼警敏善屬文書

兼草隸太宗徇河北署行軍記室叅軍即位為中書

令封邢國公進尚書左僕射更封魏終太子太傅知

門下省事謚曰文昭玄齡常恐諸子驕侈集古今家
誠書為屏風令各取一具曰留意於此足以保躬矣

唐書

本傳

房僕射玄齡行草風流秀穎

書斷

李嗣真書後品列中中品

竇泉述書賦評已見

杜如晦

杜如晦字克明京兆杜陵人少英爽喜書以風流自

命隋滏陽尉秦王引為府兵曹參軍歷遷兵部尚書

封蔡國公進位尚書右僕射謚曰成

唐書本傳

楷隸草法唐初杜如晦高士廉亦深有意焉

蔡希綜法書論

高士廉

高士廉名儉以字顯隋仁壽中舉文才甲科補治禮

郎秦王領雍州牧薦士廉為治中親重之歷吏部尚

書進封許國公遷尚書右僕射同中書門下三品知

政事謚曰文獻

唐書本傳

太宗大購圖書寶於內庫貞觀十三年裝成排署有
特進尚書左僕射申國公臣士廉跋尾

徐浩古
蹟記

長孫無忌

長孫無忌字輔機河南洛陽人好學該博文史少與
太宗友善貞觀中進尚書右僕射冊司空知門下尚

書省事封趙國公高宗初進太尉檢校中書令

舊唐
書

唐太宗登逍遙樓詩長孫無忌楊師道行書唐萬年

宮碑陰題名永徽六年長孫無忌以下自書

金石
錄

李靖

李靖本名藥師雍州三原人姿貌瓌瑋少有文武才略隋大業末馬邑郡丞武德三年以功授開府貞觀

中拜尚書右僕射進位衛國公謚曰景武

舊唐書

歐陽修與劉侍讀書曰承示千文甚佳此是李靖字

唐人集為千文

歐陽文忠公集

李靖上西嶽書

題跋已見八十卷

竇璡

竇璉字之推隋大業末為扶風太守唐兵起以郡歸
歷民部尚書授秘書監封鄧國公貞觀初遷將作大
監謚曰安有巧思工書

唐書
本傳

李勣

李勣字懋功曹州離狐人李姓徐氏武德二年歸朝
廷授黎州總管封英國公賜姓李貞觀中授同中書
門下三品高宗立進尚書左僕射太子太師謚貞武

唐書
本傳

宋蘇轍答子瞻寄示岐陽十五碑詩云英公與褒鄂
戈戟間自荷何年學操筆終歲惟箭筈書成亦可愛

藝業嗟獨影

樂城集

殷令名

令名與其子仲容皆以能書擅名一時筆法精妙不

減歐虞

金石錄

李嗣真書後品列上下品

唐濟度寺即令名手蹤為後代程式

述書賦注

殷仲容

殷仲容聞禮子則天深愛其才官至申州刺史

舊唐書本傳

述書賦注云不害之孫令名之子奕世工書官至

禮部郎中

殷侍御仲容善篆隸題署尤精

書斷

竇泉述書賦評已見

仲容書汴州安業寺額京師哀義開業資聖寺東京

太僕寺靈州神馬觀額皆精妙曠古

述書賦注

殷仲容書流孟亭侍宴詩

題跋已見

岑文本

岑文本字景仁南陽棘陽人博考經史善屬文貞觀

元年除秘書郎累拜中書令贈侍中謚曰憲

舊唐書

岑文本工飛白書

書史會要

李百藥

李百藥字重規定州安平人開皇初授太子通事舍人
魚學士太宗至涇州召與語說之貞觀元年拜中

書舍人封安平縣男進宗正卿謚曰康百藥名臣子

才行世顯為天下推重翰藻沉鬱尤其所長

舊唐書本傳

李百藥汎愛寺碑

題跋已見

楊師道

楊師道字景猷清警有才思歸高祖授上儀同封安

德郡公貞觀中歷遷工部尚書師道善草隸工詩謚

曰懿

唐書本傳

師道師法虞公

書斷

傅奕

傅奕相州鄴人隋開皇中以儀曹事漢王諒諒敗徙扶風高祖為扶風太守禮之及即位拜太史丞貞觀

十三年卒

唐書本傳

傅奕家貧傭書後有金帛洛陽盛稱善書而得富也

書史

會要

薛純陀

薛純陀秘書省正字本名純陀後以純自別於時筆

法有餘點畫不失尚多隸體氣象奇偉猶有古人體

法

廣川書跋

薛純陀學歐草

書斷

薛純陀辨法師碑

題跋已見

薛純砥柱銘

題跋已見

顏勤禮

顏勤禮字敬琅琅琊臨沂人

真卿曾祖

幼而敏悟識量弘遠

工於篆籀尤精訓詁解褐校書郎與兩兄弟師古相

時同時為弘文崇賢學士

顏真卿
家廟碑

顏昭甫

顏昭甫字周卿勤禮之子也

真卿
祖

工篆籀草隸書與

內弟殷仲容齊名而勁利過之為伯父師古所賞重

嘗得古鼎廿餘字舉朝莫識盡令讀之官侍讀贈華

州刺史

顏真卿
家廟

顏元孫

顏元孫字聿修昭甫子少孤養於舅殷仲容家尤善

草隸仲宗以能書為天下所宗人造請者牋盈几輒
令代遣得者欣然莫之能辨玄宗出諸家書蹟數十
卷曰聞公能書可為定其真偽公分別以進玄宗大
悅著干祿字書行於世

書小史

元孫貞觀中刊正經籍因錄字體數紙以示讐校楷
書時號顏氏字樣

顏真卿干祿字書序

顏惟貞

顏惟貞字叔堅昭甫子

真卿父

少孤育舅殷仲容氏教

筆法家貧無紙筆與兄元孫以黃土掃壁木石畫而習之故特以草隸擅名天授元年判入高第授衢州叅軍歷長安尉太子文學累贈祕書少監國子祭酒

太子少保

家廟碑

錢穀

李嗣真書後品列下上品評曰錢氏小篆飛白寬博

敏麗太宗貴之

書後品

王瓚

焦山有唐王瓚一詩刻字畫全類瘞鶴銘

東觀餘論
詳見瘞鶴

銘

國詮

唐貞觀中經生國詮奉勅作指頂許字用硬黃紙書
善見律末後注諸臣有閻立本名其書精熟勻淨而

近媚

都穆寓
意編

李懷琳

李懷琳洛陽人國初時好為偽迹其大急就稱王書

及七賢書假云薛道衡作序并衛夫人咄咄逼人嵇
康絕交書並懷琳之偽迹也太宗時待詔文林館

述書

賦注

李懷琳倣晉嵇康絕交書

右唐李懷琳倣晉嵇康絕交書真蹟具載唐實蒙述
書賦注宋周越法書苑等書歷代傳賞者也此書筋
肉豐壯位置典古如雲行水流渾然無迹高出懷琳
所作衛夫人七賢等帖上蓋叔夜書唐世尚存懷琳

得以倣之宜其高於自作至於堯舜禹益等古字亦有所本也劉燾無言以能書名宋亦嘗模刊於續帖中辨論之詳見黃伯思東觀餘論此帖又經韓平原賞閱圖印具存漁陽鮮于伯機寶愛終世行草之源亦出於此唐初名手書文瞻字妙如此者世不多見况是法書中烜赫者也德常其寶藏之東楚湯屋君載書於燕山張氏清容齋延祐庚申四月五日

傳雲
館帖

右唐曹叅軍李懷琳所摹絕交書今監察御史安

成張公鰲山所藏雙鉤廓填筆墨精妙無毫髮滲漏
蓋唐摹之妙者按海岳書史及東觀餘論並言懷琳
好作偽書世莫能辨今法帖中七賢衛夫人等帖皆
出其手而唐竇氏述書賦亦云爰有懷琳厥蹟踈壯
假他人之名字作自己之形狀觀此則懷琳在當時
已推其摹搨之工矣此書相傳臨稭康本而此卷後
有右軍字不知何也續法帖雖載此書亦不言其臨
何人惟張彥遠云嘗見叔夜自書絕交書云云故黃

長睿以為此書唐世尚存懷琳見而倣之且謂中有古字非能自作愚按此帖字蹟多類右軍在前若劉伶阮籍字畫雖佳然皆疎宕縱逸非若此帖精神沓拖行間茂密卓然名家也且其文與文選所載微有不同尤不可曉而長睿云此書去七賢衛夫人遠甚蓋亦有所疑也豈右軍嘗書此帖而懷琳摹之耶抑懷琳好右軍之蹟倣而為之耶正德庚辰十月晦跋

甫田

集

謝道士

有姓謝名道士者能為繭紙嘗書大急就兩本各十
紙言詞鄙下跋尾分明徐唐沈范蹤跡烜赫勞茹裝
背持以質錢貞觀中勅頻搜尋彼之錢主封以詣闕

太宗殊喜賜繭二百疋

述書
賦注

趙模

趙模史闕其傳不知何許人也模喜書工臨倣始習
義獻學集成千文其合處不減懷仁然古勁則不逮

蓋翰墨之祖必語義獻而師之者世難其人如晚生輩以家學相承為一律非不以王氏為宗然其泥於形似而俗惡凡下者病在索馬於唐肆浮屠氏懷仁乃能稍得故步固不易得然至於犇逸絕塵處則又不可同日而語若模之書復出懷仁下則所謂思其上者不可得又思其次也噫古人真難到耶觀模集書一帖頗工楷法信前人之論為不謬今御府所藏

正書一模集千文

宣和
書譜

趙模摹集晉人千文

題跋三則已見

趙叅軍摹集晉千文

山陰繭紙入昭陵江右空傳瘞鶴銘賴有貞觀供奉

筆硬黃雙勒集儀型 丹邱夏克復

珊瑚網

褚登善有自書聖教序筆法極類右軍後人遂謂唐
集聖教序非集聚之集乃學習之習也是殆不然今
觀趙供奉所摹千文一鈎一畫步武右軍極似聖
教序乃知前人所集真集而書之者非習字書奴明

矣千古之疑一朝盡釋快哉此筆今不可再得仲宣
其實之勿輕示人也天啟壬戌初夏范允臨題

同上

趙模書高士廉瑩兆記

題跋已見

韓道政

韓道政

太宗時人

帝命供奉搨書人趙模韓道政馮承素

諸葛貞等四人各搨蘭亭數本以賜皇太子諸王近

臣

何延之
蘭亭記

馮承素

搨本樂毅論是貞元十二年四月九日勅內出樂毅
論是王右軍真蹟令將仕郎直弘文館馮承素摹寫
賜司空趙國公長孫無忌開府儀同三司尚書左僕
射梁國公房玄齡特進尚書左僕射中國公高士廉
吏部尚書侯君集特進魏國公魏徵侍郎護安德郡
開國公楊師道等六人於是在外乃有六本並筆勢
精妙備盡楷則也褚遂良記

書畫題
跋記

彥遠家有馮承素蘭亭元和十三年詔取書畫遂進

入內今有承素樂毅論在並有太宗手批其後張彥

遠記

同上

山谷老人論書要字中有筆此帖近之然非有研白

筆麓者不足以知此隆慶己巳春日從三橋寓齋攜

歸諦觀因題其後歸之建業胡汝嘉記事

珊瑚網

諸葛貞

太宗勅馮承素諸葛貞搨樂毅論及雜帖數本賜長

孫無忌等六人

武平一徐氏法書記

湯普徹

太宗嘗令搨書人湯普徹等搨蘭亭賜梁公房玄齡
以下八人普徹竊搨以出故在外傳之

徐氏法
書記

上官儀

上官儀字游韶陝州陝人工文詞涉貫墳典貞觀初
擢進士第召授弘文館學士遷秘書郎高宗即位為
秘書少監進西臺侍郎儀工詩其詞綺錯婉媚貴顯
人多倣之謂為上官體中宗時追贈中書令楚國公

唐書

本傳

上官儀師法虞公

書斷

劉伯莊

劉伯莊徐州彭城人貞觀中累除弘文館學士與許

敬宗等參修文思博要及文館詞林龍朔中終崇賢

館學士

舊唐書
本傳

伯莊師法虞公

書斷

張志遜

張志遜虞纂之亞也

書斷

陸東之

陸東之蘇州吳人元方伯父善書名家官太子司議

郎

唐書陸元方傳

陸東之吳郡人官至朝散大夫太子司議郎虞世南之甥少學舅氏臨寫所合亦猶張翼換義之表奏蔡邕為平子後身而晚習二王尤尚其古中年之迹猶有怯懦總章已後乃備筋骨殊矜質朴耻夫綺靡故欲

暴露疵同乎馬不齊髦人不櫛沐雖為時所鄙回也
不愚拙於自媒有若通人君子尤善運筆或至興會
則窮理極趣矣調雖古澀亦猶文王嗜菖蒲蘆孔子
甕額而嘗之三年乃得其味一覽未窮沉研始精然
工於效倣劣於獨斷以此為少也隸行入妙章草入
能書斷

陸柬之官至太子司議郎虞世南甥也少學舅氏書
多作行字晚擅出藍之譽遂將咄逼義獻落筆渾成

耻為飄颺綺靡之習如馬不齊髦人不櫛沐雖為時
鄙要是通人之達觀但覽之者未必便能識其佳處
論者以為如偃蓋之松節節加勁亦知言哉然人材
固自有分限東之書其隸行入妙章草草書入能是
亦未免其利鈍也書頭陀碑急就章龍華寺額武邱
東山碑最聞於時此所存者特頭陀碑急就章耳今
御府所藏六行書蘭若碑頭陀寺記蘭亭
詩臨王羲之蘭亭叙千文草書急就章
宣和

書譜

李嗣真書後品列中中品

竇泉述書賦評已見

東之以書專家與歐褚齊名隸行入妙草入能隸行於今殆絕遺蹟嘗觀其草書意古筆老信乎名不虛

得也

墨池編

陸東之蘭亭詩卷

東之為虞永興外甥書法足當宅相真蹟絕少曾見

蘭亭詩五首於項子京宅書法絕似定武本禊帖凡二百六十字漫漶者廿餘字墨氣若新精彩飛動大是神物後歸余前有趙字後有神品二字印記當是

魏國故物

馮夢禎快雪堂集

陸東之千文

題跋已見

陸東之頭陀寺碑

陸彥遠

陸彥遠東之子贊善大夫

唐書宰相世系傳

彥遠時謂小陸傳父書法以傳張旭

書史
會要

陸景融

陸景融元方子

東之
從孫

博學工筆札以蔭補千牛累遷

工部尚書東都留守

唐書
本傳

景融以博學工書擅名一時行楷既實且美

書史
會要

陸魯

陸魯彥遠從孫

唐書宰相
世系表

魯楷隸行草分篆飛白臨諸家帖無不逼真

書史
會要

陸峴

陸峴景融曾孫潤州司戶叅軍

宰相世系表

峴能精書學著名當時

書史會要

高正臣

高正臣廣平人官至衛尉少卿習右軍之法脂肉頗多骨氣微少修容整服尚有風流可謂堂堂乎張也
玄宗甚愛其書懷瓘先君與高有舊朝士就高乞書
馮先君書之高曾與人書十五紙先君戲換五紙以

示高不辨客曰有人換公書公笑曰必張公也終不能辨宋令文曰力則張勝態則高強有人求高書一屏障曰正臣故人在申州書與僕類可往求之先君乃與書之自任潤州湖州筋骨漸備比見蓄者多謂為褚後任申卽等州體法又變幾合於古矣陸東之為高書告身高常嫌不將入帙後為鼠所傷持示先君曰此鼠正解正臣意耳風調不合一至於此正臣

隸行草入能

書斷

金陵有高正臣書字畫殊有歐虞法

東觀餘論

高正臣明徵君碑

題跋已見

張紹先

張紹先

懷璫之父
事見上

紹先宗二王

書史會要

王方翼

王方翼字仲翔并州祁人也方翼早孤貧甚乃雜庸保執苦燎松丸墨太宗時擢右千牛高宗立從祖女弟為皇后調安定令累遷庭州刺史封太原郡公善

書與魏叔琬齊名

唐書本傳

裴行儉

裴行儉字守約絳州聞喜人貞觀中舉明經儀鳳二

年拜吏部尚書兼檢校右衛大將軍封聞喜縣公贈

揚州大都督謚曰獻行儉工草隸名家

唐書本傳

裴行儉河東人官至兵部尚書工草書行及章草並

入能有若縉紳之士其貌偉然華袞金章從容省闥

書斷

裴行儉字守約絳州聞喜人官至禮部尚書檢校右
衛大將軍復為金牙道大總管卒贈幽州刺史謚曰
獻行儉善用兵大將軍蘇定方一見奇之盡畀之以
術麟德二年擢安西都督西域諸國多慕義歸附召
為司文少卿遷吏部與李欽元馬載同典選有能名
時號裴馬工草隸以書名家高宗嘗以絹素詔寫文
選書奏極嘉賞因厚賜賚以獎之行儉每自許褚遂
良非精筆佳墨未嘗輒書不擇筆墨而妍媸者余與

虞世南耳所撰選譜草字體數萬言後之學者往往宗之然書帖罕傳蓋行儉以用兵有功唐室提孤軍深入萬里兵不血刃而叛黨擒夷自是以功掩其他能也今御府所藏草書一千丈

宣和書譜

裴行儉以書知名而世罕傳之嘗見一帖寫兵法字甚怪放劉無言云行儉所書千丈亦工

東觀餘論

裴延休

裴延休

行儉次子

并州文水令世載文雄家傳草聖

張說太尉

裴行儉

神道碑

宋令文

宋令文號州弘農人有勇力工書善屬文高宗時為

左饒衛郎將東臺詳正學士

舊唐書
本傳

宋令文河南陝人官至左衛中郎將奇姿偉麗有三

絕曰書畫力尤於書備兼諸體偏意在草甚欲究能

翰簡翩翩甚得書之媚趣若與高卿比權量力則騶

忌之類徐公也

書
斷

李亘

李亘

高宗時人

徐彥伯為蒲州司兵叅軍時司戶韋暉善

判司士李亘工書徐彥伯屬辭時稱河東三絕

唐書徐彥

伯傳

趙持滿

趙持滿長孫詮之甥工書善騎射力搏虎走逐馬而

仁厚下士京師無貴賤皆慕之官至涼州刺史

唐書長孫

無忌傳

狄仁傑

狄仁傑字懷英并州太原人舉明經天授二年以地
官侍郎同鳳閣鸞臺平章事歷除內史謚曰文惠睿

宗封梁國公

唐書

大足中則天太后賞納言狄仁傑能書仁傑云臣自
幼以來不見好本只率愚性何由得能則天乃內出
二王真蹟二十卷遣五品中使示諸宰相看訖表謝

登時將入

徐浩古蹟記

王方慶

王方慶名綝以字顯雍州咸陽人起家越王府參軍武后時封石泉縣子歷遷鸞臺侍郎同鸞臺鳳閣平章事后嘗就求義之書方慶上十一世祖導等二十

八人書共十篇后御武成殿徧示羣臣詔中書舍人

崔融序其代閑號寶章集復以賜方慶士人歆其寵

卒贈兗州都督謚曰貞

唐書本傳

王方慶王氏八體書範四卷王氏工書狀十五卷

唐書

藝文志

石泉公王方慶素尚豪翰每還私第必請鍾紹京盛論法書方慶常疾須紹京言書輒佳右相湯再思以

為鍾君可愈王侍郎疾也

書史會要

王暎

王暎方慶少子工書知名官至殿中侍御史

舊唐書方慶傳

杜審言

杜審言襄州襄陽人進士舉雅善五言詩工書翰有

能名然恃才褻傲嘗謂人曰吾之文章合得屈宋作
衙官吾之書蹟合得王羲之北面其矜誕如此則天
時遷膳部員外郎神龍初授國子監主簿加修文館

直學士

舊唐書
本傳

宋之問

宋之問字延清一名少連令文子偉儀貌雄於辨甫
冠武后召直習藝館左奉宸內供奉景龍中遷考功
員外郎睿宗立詔流欽州魏建安後迄江左詩律屢

變及之問沈佺期又加靡麗學者宗之號為沈宋

唐書

宋太平興國二年袁州獻宋之問書龍鳴寺碑

玉海

之問工真行天性卓絕

書史會要

宋之孫

宋之孫令文子之問弟為連州叅軍初父令文富文

辭且工書有力絕人世稱三絕後之問以文章起其

弟之悌以躋勇聞之孫精草隸世謂皆得父一絕

唐書

本傳

宋之孫襄州刺史封公碑

題跋見前

孫過庭

孫虔禮字過庭陳留人官至率府錄事叅軍博雅有
文章草書憲章二王工於用筆俊拔剛斷尚異好奇
然所謂少功用有天材真行之書亞於草矣嘗作運
筆論亦得書之指趣也與王秘監相善王則過於遲
緩此公傷於急速使二子寬猛相濟斯為合矣雖管
夷吾失於奢晏平仲失於儉終為賢大夫也過庭隸

行草八能

書

孫過庭好古博雅工文辭得名翰墨間作草書咄咄
逼義獻尤妙於用筆雋拔剛斷出於天材非功用積
習所至善臨摹徃徃真偽不能辨文皇嘗謂過庭小
字書亂二王蓋其似真可知也作運筆論字逾數千
言妙有作字之旨學者宗以為法然落筆喜急速議
者病之要是其自得趣也今御府所藏草書三書

譜序上下二千文

宣和
書譜

竇泉述書賦評已見

孫過庭書譜

過庭書至能品嘗著書論妙盡其趣即書譜也宋高廟垂情藝文嘗謂此譜妙備草法手不少置石本惟

太清樓所刻最為精絕

王鏊姑蘇志

孫虔禮書譜刻石凡三其一秘閣續帖末有宣政印記者最為完文今不可復得矣余遊燕中有偽作古色以鬻者其刻亦佳而中有兩訛字蓋秘閣之帖遺

於後而紙敝墨渝刻者承之賴以辨耳其一本有宣
政印記而前缺一二十字蓋自內府出而卷首稍刊
破然自真蹟上翻刻故獨佳中間結構波撇皆在其
三為文氏停雲館刻則影嚮耳虔禮書名烺烺一時
獨竇泉貶曰凡草間閭之類此帖濃潤圓熟幾在山
陰堂室後復縱放有渴猊游龍之勢細玩之則所謂
一字萬同者美璧之微瑕故不能掩也因書於第二

本後

弇州山人
葉

孫過庭書景福殿賦

書家評孫過庭章草用筆雋拔如丹崖絕壑筆勢堅勁予不能無疑觀此帖用筆稽古有漢魏之風終卷結字無點畫差謬書賦云千紙一類一字萬同蓋知非虛談也近見王內翰所藏書譜真蹟與此賦極相類又有墨本千丈差不逮矣建中靖國元年春三月

曾肇題於玉堂之西軒

戲鴻堂法帖

孫過庭草書千文

題跋俱見前

鍾紹京

鍾紹京虔州贛人也初為司農錄事以工書直鳳閣則天時明堂門額九鼎之銘及諸宮殿門榜皆紹京所題景龍中拜中書令封越國公後為少詹事年八

十餘卒

舊唐書
本傳

紹京嗜書畫如王羲之王獻之褚遂良真蹟藏家者至數十百卷然自書微怯不足逮前輩云

墨池
編

張昌宗搜訪天下圖書以紹京妙識古今奏請直秘

書寶匣奇蹟莫不徧覽明皇在藩邸愛重其書

書史會要

鍾紹京襄州徧學寺禪院碑

鍾紹京楊歷碑

鍾紹京千丈

鍾紹京書遁甲神經

右鍾紹京書遁甲神經有宣和政和小璽宋徽宗標識倪元鎮家藏有元鎮跋語筆法精妙迴腕藏鋒得子敬神髓趙文敏正書寶祖之余從真蹟臨寫數行

鍾書世無傳本自可以意求耳

畫禪室
隨筆

王知敬

王知敬洛陽人官至太子家令工草及行尤善章草
入能膚骨兼有戈戟足以自衛毛翮足以飛翻若翼
大略宏圖摩霄殄寇則未奇也房僕射玄齡與此公
同品房行草風流秀穎可與亞能又殷侍御仲容善
篆隸題署尤精亦王之雁行也

書
斷

知敬工正行善署書與殷同工而異曲當時雙絕天

后詔一人署一寺額仲容題資聖知敬題清禪清禪

資聖寺俱為獨絕至今路人識者駐馬往觀

述書
賦注

李嗣真書後品列中中品

竇泉述書賦評已見

知敬善隸草行評者謂如麒麟將騰鸞鳳欲翥

墨池
編

王友貞

王友貞少為司經局正字歷長水令罷歸中宗詔為
司議郎不就神龍初以太子中舍人徵固辭玄宗在

東宮以蒲車召不至卒贈銀青光祿大夫

唐書

書家父子最著者唐王知敬子友貞

震澤集

王紹宗

王紹宗字承烈江都人少貧嗜學工草隸客居僧房
寫書取庸自給凡三十年庸足給一月即止不取贏
武后召擢太子文學累進秘書少監紹宗雅修飾當
時公卿莫不慕悅其風

唐書

王紹宗字承烈江都人父修禮越王友道雲孫也承

烈官至秘書少監清鑒遠識才高書古祖述子敬欽
羨東之其中年小真書體象尤異沉邃堅密雖華不
逮陸而古乃齊之其行草及章草次於真晚節之草
則攻乎異端度越繩墨薰蕕同器玉石兼儲若以敗
為瑕筆垂其指嘗與人云鄙夫書翰無功者特由微
水墨之積習常清心率意虛神靜思以取之每與吳
中陸大夫論及此道明朝必不覺已進陸於後密訪
知之嗟賞不少將余比虞君以虞亦不臨寫故也但

心準目想而已聞虞眠布被中恒手畫腹與余正同也阮交州斷割不足陸大夫蕪穢有餘此公尤甚於陸也又曾謂所親曰自恨不能專有功褚雖以過陸猶未及承烈隸行章草入能

書斷

竇泉述書賦評見

王嗣宗

紹宗兄嗣宗亦善書况之二陸則少監可比德於平

原矣

書斷

盧藏用

盧藏用字子潛幽州范陽人能屬文舉進士不得調
與兄徵明偕隱終南少室二山長安中召授左拾遺
歷尚書右丞藏用工草隸大小篆八分士貴其多能

唐書

盧藏用字子潛京兆長安人官至黃門侍郎書則幼
尚孫草晚師逸少雖闕於工稍閑體範八分之製頗
傷踈野若况之前列則有奔馳之勢如傳之後昆亦

有規矩之法子潛隸行草入能書

斷

楊庭

楊庭不知何許人也為時經生作字得楷法之妙長
壽間一時為流輩推許唐以武后好奇立異自我作
古至輒易一十九字當時如薛稷之流亦復宗之庭
嘗書五蘊論悉用武后所易字而卷尾繫經生臣名
要是一時奉命自應爾耳唐書法至經生自成一律
其間故有超絕者便為名書如庭書是亦有可觀者

今御府所藏正書一

五蘊論

宣和書譜

賈膺福

賈膺福曹州冤句人懷州刺史敦實子光天中歷左

散騎常侍弘文館學士

舊唐書本傳

周大雲寺碑賈膺福撰并八分書其筆法精妙後又得唐修封禪記賈膺福撰并正書字為小楷尤工妙可喜

薛昌容 李元振

武后鑄九州鼎圖寫山川物產之象命工書人著作
郎賈膺福殿中丞薛昌容鳳閣主事李元振司農錄

事鍾紹京分題之

舊唐書
禮儀志

唐奉一

唐奉一齊州人善書翰武后時為侍御史

御史
臺記

唐奉一中興聖教序

題跋見前

李巖

李巖趙州高邑人中宗時授右宗衛兵曹參軍累遷

諫議大夫封贊皇縣伯終兵部侍郎巖善草隸

唐書本傳

崔液

崔液字潤甫定州安喜人工五言詩官至殿中侍御

史

唐書崔仁師傳

宋樓鑰跋李少陵修禊詩序云唐文皇之賜韓王有

崔潤甫之題若李重光撥鎗書無能效之者

攻媿集

劉昇

劉昇徐州彭城人景雲中授右武衛騎曹參軍開元

中累遷中書舍人太子右庶子昇能文善草隸

唐書本傳

劉昇華嶽昭應碑

題跋見前

徐師道

徐師道字太真會稽人少有至行不干仕進裴行儉辟賓幕授九隴尉棄官歸隱及終謚文行先生師道

精於翰墨

墨池編

徐浩古蹟記云臣先祖故益州九隴縣尉贈吏部侍郎師道臣先考故洺州刺史贈左常侍嶠之真行草

皆名冠古今無與為比

法書要錄

徐嶠之

徐嶠之字惟岳嘗歷趙洺州刺史不載於史而附見於朱長文墨池編嶠之平時耿耿有高節如狄仁傑姚崇交辟皆不就張易之勢傾當世而敢以語權之終能左右張柬之等扶中宗復唐室自晦不伐故人莫之知也作字名播於時正書道媚有楷法今傳於世者草字而已評其字謂如迴鸞顧鵲之勢識者不

以為過初嶠之父師道已精於書嶠之復以善書稱
且以法授其子浩故浩書又傑然為一家法自師道
至浩蓋三世矣是亦熟於翰墨之場者也今御府所

藏草書一天童經

宣和
書譜

徐嶠之字惟岳純孝積學狹梁公魏齊公姚梁公交
辟之嘗面請張易之而左右五王迎立中宗歷趙潮
洺州刺史正書行書適媚有楷法嘗進書六體手詔
答曰卿進書甚可觀覽迴鸞顧鵲墜露凝雲雖古人

臨池懸帳之妙何以過此賜物四十段旌之

墨池編

平授

平授常州刺史平貞春少子八分之妙獨善當時

張燕

公集

鄭萬鈞

代國公主名華字華婉下嫁鄭萬鈞

公主列傳

張說般若心經贊序云秘書少監駙馬都尉榮陽鄭萬鈞深藝之士也學有傳癖書成草聖乃揮灑手翰

鐫刻心經道存文字意齊天壤國老張說聞而嘉焉

唐文

粹

鄭萬鈞草書心經

題跋見七十一卷

鄭萬鈞代國長公主碑

題跋見前

蕭瑀

蕭瑀字時文後梁明帝子入唐封宋國公貞觀中拜

太子太保同中書門下三品謚貞褊 宋紹興秘閣

續法帖內有其蹟

書史
會要

孫思邈

孫思邈京兆人善言老莊居太白山太宗初召詣京師欲官之不受永淳初卒年百餘歲宋紹興秘閣

續法帖內有其蹟

書史會要

劉仁軌

劉仁軌字正則少貧好學值亂不能安業每動止畫地書空寓所習卒以通博聞累遷尚書右僕射謚文

獻

唐書

劉仁軌善書

書史會要

魏元忠

魏元忠宋州人歷官中書令封齊國公 魏元忠善

草書

書史
會要

李嶠

李嶠字巨山為兒時夢人遺雙筆自是有文辭神龍

中為中書令封趙國公嶠富才思與崔融蘇味道齊

名

唐書

唐道州碧落洞元結改曰無為洞篆刻在焉

李嶠有篆額

格古
要論

沈佺期

字雲卿歷官中書舍人太子詹事 佺期以工書著

名

書史
會要

席豫

席豫襄陽人徙家河南開元中累遷吏部侍郎天寶
初改尚書左丞豫性謹雖與子弟書疏及吏曹簿領
未嘗草書謂人曰不敬他人是自不敬也或曰此事
甚細卿何介意豫曰細猶不謹而况巨耶天寶七載

卒贈江陵大都督謚曰文

舊唐書

六藝之一錄卷三百二十六

欽定四庫全書

六藝之一錄卷三百二十七

錢唐倪濤撰

歷朝書譜

唐

張說

張說字道濟或字說之洛陽人永昌中武后策賢良方正第一授太子校書郎睿宗時累遷黃門侍郎進同中書門下平章事玄宗即位為中書令封燕國公

贈太師謚曰文貞

唐書本傳

張說字師衛夫人婉美有象

書史會要

宋璟

宋璟邢州南和人少耿介有大節博學工於文翰舉進士累轉鳳閣舍人開元初拜刑部尚書遷吏部尚書兼侍中累封廣平郡公授開府儀同三司遷尚書

右丞相謚曰文貞

唐書本傳

開元初得姚崇宋璟委之為政璟嘗手寫尚書無逸

一篇為圖以獻玄宗置之內殿出入觀省咸記在心

每歎古人至言後代莫及

舊唐書
崔植傳

李林甫

李林甫長平王叔良曾孫初為千牛直長開元中遷

太子中允歷拜禮部尚書同中書門下三品卒贈太

尉

舊唐書

開元二十三年十月制加皇子榮王已下官爵令宰相及朝臣工書者就集賢院寫告身以進於是宰相

張九齡裴耀卿李林甫朝士蕭太師嵩李尚書嵩崔少保琳陳黃門希烈嚴中書挺之張兵部均韋太常陟褚諫議庭誨等十三人各寫一通裝縹進內上大

悅

韋述集
賢注記

張九齡

張九齡字子壽韶州曲江人七歲知屬文擢進士科策高第玄宗時歷拜中書侍郎同中書門下平章事遷中書令謚曰文獻開元後天下稱曰曲江公而不

名唐書

九齡善書宋紹興祕閣續法帖內有其蹟

書史會要

裴耀卿

裴耀卿字煥之絳州稷山人數歲能屬文擢童子舉

遷相王府典籤開元中拜黃門侍郎同中書門下平

章事天寶初進尚書右僕射謚曰文獻

唐書本傳

唐裴耀卿書真蹟廿一行

戲鴻堂法帖目

蕭嵩

蕭嵩瑀從子貌偉秀開元初擢中書舍人歷兵部尚書朔方節度使封蘭陵縣子進同中書門下三品兼中書令封徐國公拜太子太師

唐書本傳

后土神祠碑

明皇八分碑陰嵩正書

見前

李嵩

李嵩淮安王神通玄孫清河王孝節孫也開元中拜工部尚書東都留守嵩風儀秀整朝廷稱其有宰相之望累封武都縣伯終太子太傅

舊唐書本傳

工書見

集賢注記

崔琳

崔琳貝州武城人開元中為中書舍人累遷太子少

保

唐書本傳

工書見前集賢注記

陳希烈

陳希烈宋州人精玄學書無不覽開元中累遷秘書

少監專判集賢院事玄宗凡有撰述必經希烈之手

李林甫引為宰相同知政事封潁川郡公

舊唐書本傳

工書見前集賢注記

嚴挺之

嚴挺之華州華陰人少好學舉進士神龍初授義興尉姚崇為中書令引為左拾遺開元中歷絳郡太守

終太子詹事

舊唐書本傳

工書見前集賢注記

張均

張均燕國公說長子開元中為中書舍人與弟均皆能文說在中書兄弟已掌綸翰之任歷戶部侍郎轉

兵部天寶九載遷刑部尚書

舊唐書
本傳

工書見前集

賢注記

韋陟

韋陟字殷卿京兆萬年人安石子陟甫十歲授溫王
府東閣祭酒風格方整善文辭書有楷法一時知名
士皆與游開元中襲郇國公累授吏部尚書陟常以
五采牋為書記使侍妾主之其裁答授意而已皆有
楷法陟唯署名自謂所書陟字若五朵雲時人慕之

號卹公五雲體

唐書

工書見集賢注記

褚庭誨

褚庭誨錢塘人左散騎常侍無量之姪正書精熟可

慕開元中至諫議大夫

墨池編

工書見前集賢注記

庭誨時人謂之小褚

書史會要

蕭華

蕭華嵩子開元二十一年為給事中華謹重方雅綽

有家法人士稱之乾元二年累進中書侍郎同中書

門下平章事

舊唐書
本傳

贈太保郭敬之碑蕭華正書

韋斌

韋斌陟弟父為相時授太子通事舍人少修整好文

藝容止嚴峭有大臣體與陟齊名開元中遷祕書丞

天寶中為中書舍人兼集賢院學士改太常少卿貶

巴陵太守移臨汝久之拜銀青光祿大夫

唐書
本傳

斌善隸書

書小
史

韋斌以行草著名

書史
會要

蘓頌

蘓頤字廷碩雍州武功人璫子第進士長安中拜中書舍人時父子同在禁筦朝廷榮之玄宗時襲封許國公進同紫微黃門平章事謚文獻頤與張說以文章顯時號燕許大手筆

隴右節度使郭知運碑金石錄作魏華書墨池編作蘓頤撰并書長文必有所據

蘓說

蘓說字廷言瓌之子舉賢良方正高第補汾陰尉累

轉給事中出為徐州刺史贈吏部侍郎

唐書

東明觀道士周彥雲欲為其師立碑謂蘓瓌曰成某

志者不過煩相君諸子五郎文

題也

六郎書

說善八分

七郎

致石瓌大笑口不言而心服其公

唐詩紀事

天竺寺碑

蘓詵八分書

張庭珪

張庭珪河南濟源人少以文學知名弱冠應制舉長

安中累遷監察御史開元中歷遷太子詹事封范陽

縣男謚曰貞穆廷珪素與李邕親善邕所撰碑碣之
文必請庭珪八分書之庭珪既善楷隸甚為時人所
重舊唐書本傳兗州刺史韋府君遺愛頌廷珪正書狄
梁公生祠記廷珪八分書

張庭珪夫子廟碑題跋見前

張嘉貞

張嘉貞字嘉貞蒲州猗氏人以五經舉補平鄉尉長
安中拜監察御史玄宗時為中書門下平章事遷中

書令終工部尚書定州刺史封河東侯謚曰恭

唐書

本傳

開元中嘉貞為定州刺史至州於恒嶽廟中立頌自

為文書於石其碑用白石為之素質黑文甚為奇麗

舊唐書

本傳

張彥遠云高祖河東公書蹟俊異尤能大書本傳云

不因師法而天姿雄勁定州北嶽碑為好事所傳

法書

要錄
序

呂向

呂向字子回涇州人少隱陸渾山工草隸能一筆環
寫百字若紫髮然世號連綿體玄宗開元十年召入
翰林兼集賢院校理累遷工部侍郎

唐書
本傳

法現禪

師碑呂向正書

竇臬述書賦評見前

呂向述聖頌碑

題跋見前

裴淮

裴淮絳州聞喜人擢明經開元中累遷吏部尚書改

太子賓客謚曰懿

唐書本傳

裴淮少林寺碑

題跋見前

萬簡

萬簡小楷圓實李邕見而奇之

書史會要

崔宗之

崔宗之滑州靈昌人日用子襲封齊國公好學寬博

有風檢與李白杜甫以文相知

唐書本傳

太原尹王冰

墓誌崔宗之行書

盧鴻一

盧鴻一字浩然本范陽人徙家洛陽少有學業頗善篆籀楷隸隱於嵩山開元初再徵不至六年赴徵至東都謁見不拜詔授諫議大夫鴻一固辭放還山賜隱居之服并其草堂一所恩禮甚厚

舊唐書本傳

普寂

禪師碑盧鴻撰并八分書

唐盧鴻草堂十志圖

文嘉嚴氏書畫記

蕭穎士

蕭穎士字茂挺梁鄱陽王恢七世孫通籀學開元二十三年舉進士對策第一補祕書正字終山南書記

門人共謚曰文元先生

唐書本傳

穎士通書籀嘗教授濮陽號蕭夫子

見公武讀書志

梁昇卿

梁昇卿為奉天尉涉學工書於八分尤工歷廣州都

督書東封朝覲碑為時絕筆

唐書韋抗傳

梁昇卿御史臺精舍記 題跋見前

趙冬曦

趙冬曦定州鼓城人進士擢第開元初累遷中書舍

人內供奉國子祭酒

唐書本傳

勝業寺雙彌勒像碑趙

冬曦正書

徐安貞

徐安貞本名楚璧應制舉三登甲科開元時為中書

舍人集賢院學士帝屬文多令視草終中書侍郎東

海縣子

唐書
本傳

安貞以李林甫用事逃隱衡嶽為掇蔬行者病啞不言數年後因修建佛殿僧中選善書者題其梁已三人矣徐行者跨梁而過掌事人怒杖其背徐以手畫地曰昔年曾學大書願試書及題數行羣僧皆悅服因遣盡書之後李邕過寺見其題處大驚台之同

載而歸

唐詩
紀事

陸堅

陸堅河內洛陽人初為汝州參軍遷給事中兼學士

善書玄宗時終秘書監謚曰懿

唐書

大將軍趙元禮

碑陸堅八分書

韓擇木

韓擇木昌黎人也官至工部尚書散騎常侍工隸兼作八分書隸學之妙唯蔡邕一人而已擇木乃能追其遺法風流閑媚世謂蔡邕中興焉擇木書法傳於時者為多如以隸書天台桐柏觀記後世為得其筆

意信不虛矣又觀杜甫贈李潮八分歌云尚書韓擇
木騎曹蔡有鄰開元以來數八分潮也奄有二子成
三人甫固不妄許可則知擇木亦於八分學復為世
之所稱可知今御府所藏四 隸書 桐柏觀記
張載劍閣銘 八分書 曹子建表 心經宣和書譜
竇臬述書賦評見前

韓愈云愈叔父

雲卿

當大歷世文辭獨行中朝天下之

欲銘述其先人功行取信來世者咸歸韓氏於時李

監陽冰獨能篆書而同姓叔父擇木善八分不問可

知其人不如是者不稱三服

昌黎集

韓擇木桐柏觀碑

題跋已見

韓擇木昭告華嶽碑

題跋已見

韓擇木滎陽王妃墓誌

題跋已見

蔡有鄰

蔡有鄰濟陽人漢左中郎將邕十八代孫官至右衛

率府兵曹參軍工八分

書史會要

有鄰善八分至天寶之間遂精妙相衛中多其迹述書

賦注

寶泉述書賦評見前

蔡希綜曰從叔父有鄰繼於八體之蹟法書論

蔡有鄰張嘉正碑題跋見前

蔡有鄰廬舍那珉像碑題跋見前

蔡有鄰興唐寺石經藏讚題跋見前

蔡有鄰佳潭龜詩題跋見前

蔡有鄰植柏頌

題跋見前

蔡有鄰尉遲迴碑

題跋見前

蔡有鄰章仇玄素碑

題跋見前

顧誠奢

顧誠奢太子文學翰林待詔杜甫送顧八分文學適

洪吉州詩云中郎石經後八分蓋憔悴顧侯運鑪錘

筆力破餘地昔在開元中韓蔡同鼎肩玄宗妙其書

是以數子至御札早流傳揄揚非造次三人並入直

恩澤各不二顧於韓蔡內辨眼工小字分日示諸王

鈞深法更祕

杜工部集

顧誠奢呂諲表

題跋俱見前

蕭誠

蕭誠蘭陵人梁之後起家奉禮郎開元初時尚褚薛

誠為之最拜右司員外郎

述書賦注

寶泉述書賦評見前

李邕常不許蕭誠書誠乃詐作古帖令紙古暗特示

邕曰此乃右軍真蹟如何邕看稱善誠以實告之邕

復取視曰細看亦未見好

陶岳零陵總記

孫逖授蕭誠贊善大夫制云蕭誠詞翰推工才能適

用

文苑英華

御史蕭誠書太原題名唐人無出其右為司

馬係南嶽真君觀碑極有鍾王趣

海嶽名言

南嶽真君碑蕭誠正書襄州牧獨孤冊遺愛頌蕭誠

行書

蕭諒

蕭諒誠弟

宰相世系表云汝州刺史

亦善書世謂誠真諒草

書小史

宋儋

宋儋字藏諸廣平人高尚不仕戶部侍郎宇文融薦為秘書省校書郎作鍾體而側戾放縱迹不副名

開元中舉場中後輩多師之

述書賦注

竇泉述書賦評見前

宋儋筆墨精勁子瞻嘗云其人不解此狡獪書便不

足觀如儋書畫不可棄也

黃山谷集

宋詹道安禪師碑題跋見前

李璆

李璆隴西人御史大夫傑之兄子性疎達輕財重諾

筆路緊媚亦有聲於代為狄宇清李漸所師

述書
賦注

竇泉述書賦評見前

宋詹李璆並有聲於代宋師鍾李師王

書史
會要

狄宇清 李漸

李漸狄宇清俱師李璆

書史
會要

張友正

張友正作草書自云得漢人心法其用筆過為鋒長而力弱殆不可持故使筆常動搖勢若宛轉其書別構一體自得成就雖神明潛發不逮古人然自然處

正自過人也

廣川書跋

蘓靈芝

蘓靈芝儒生也史亡其傳嘗為易州刺史郭明肅書候臺記在幽燕之地中州患難得故土人以墨本詣

權場易絹十端方與一本其後石刻為土人所碎或傳奉使者過彼辨經界指候臺以為證故土人碎而沒之靈芝行書有二王法而成就頓放當與徐浩雁行戈脚復類世南體亦善於臨倣者在唐人翰墨中固不易得蓋是集衆書而成一家者也今御府所藏

行書一達磨銘

宣和書譜

蘓靈芝頗好書石蹟與胡需然相上下

墨池編

蘓靈芝田仁琬德政碑題跋見前

蘇靈芝夢真容碑

題跋見前

蘇靈芝易州鐵像碑

題跋見前

蘇靈芝憫忠寺寶塔頌

題跋見前

胡需然

胡需然安定人工行書八分小篆

書史會要

唐文皇好逸少書故其子孫及當時士人爭學二王

筆法至開元天寶間尤盛而胡需然最為工妙

東坡集

胡需然七祖堂頌

題跋見前

張懷瓘

張懷瓘開元中翰林院供奉著書斷三卷評書藥石

論一卷

唐書藝文志

張懷瓘古文大篆書祖一卷

宋史藝文志

志

懷瓘高自矜飾謂真行可比虞褚草欲獨步於數百

年間

墨池編

懷瓘善真行小篆八分懷瓘又撰書估書議六體論

用筆十法等篇行於世

書史會要

張懷瓘

張懷瓘懷瓘弟盛王府司馬兄弟並翰林待詔

述書賦注

懷瓘書大小篆八分懷瓘書真行草合成六體

張懷瓘六

體書論

懷瓘有文學尤善草隸與兄懷瓘同時著名

書史會要

胡英

僧懷仁摸集右軍頗見精熟其徒有胡英效之亦以

書石

墨池編

胡英嵩嶽寺碑

題跋見前

史麟

史麟工草書

書史會要

呂總續書評云史麟書逸氣雄鎮超然不羣

書苑菁華

艾叙

艾叙與史麟工夫相敵亦擅時名

書史會要

明皇行次成臯詩艾叙行書

劉飛

玄宗嘗幸驪山登朝元閣命羣臣賦詩正字劉飛詩

最清拔特蒙激賞石相李林甫怒飛不先呈已出為

一尉而卒

封氏見
聞記

虞城縣令長新誠劉飛書

解如意

黃長睿云王逸少十七帖先唐石刻本卷尾有敕字

及褚遂良解如意校定者人家或得之

東觀
餘論

解無畏官弘文館日奉勅摹十七帖刻石

書史
會要

張希元

張希元中山人也張說洛州張司馬集序云魯宮遺篆汲冢遺編無不日覽萬言暗識三篋且如落猿磴咒之巧顧鵲迴鸞之妙詳諸別傳可略言焉

張燕公集

賀知章

賀知章字季真越州永興人性曠夷善談說擢進士超拔羣類科開元中集賢院學士遷祕書監棄官徒步歸鄉里知章晚節尤誕放遨嬉里巷自號四明狂

客祕書外監每醉輒屬辭筆不停書咸有可觀善草
隸好事者具筆硯從之意慙不拒然紙纔十數字世
傳以為寶天寶初請為道士肅宗贈禮部尚書

唐書本傳

賀知章每興酣命筆好書大字或三百言或五百言
詩筆唯命問有幾紙報十紙紙盡語亦盡二十紙三
十紙紙盡語亦盡忽有好處與造化相爭非人工所
到也

述書
賦注

賀知章字季真天姿夷曠談論警發能文善草隸當

世稱重恐不能遽取每於燕閒遊息之所具筆硯佳
紙候之偶意有愜適不復較其高下揮毫落紙纔數
十字已為人藏去傳以為寶晚節尤放誕自號四明
狂客脫落簪紱之累嬉戲里巷間與物無忤每醉必
作為文辭初不經意卒然便就行草相間時及於怪
異尤見真率往往自以為奇使醒而復書未必爾也
書時唯問紙有幾幅或曰十幅則詞隨十幅盡或曰
二十幅則隨二十幅意乃止然多多益辦不見筆力

之衰忽有佳處人謂其機會與造化爭衡非人工可
到蓋胸中所養不凡源深流長自然之道天寶初病
夢遊帝居數日寤乃上章乞為道士從之又賜鑑湖
數頃為放生池以越州所居為千秋觀既辭明皇作
序太子以下拜辭百僚飲餞賦詩叙別官為秘書監
肅宗時贈兵部尚書 今御府所藏草書一十有二
孝經二 洛神賦上下二 胡桃帖 上日等帖

二 千文五

宣和
書譜

竇泉述書賦評見前

秘書省有賀監知章草書詩筆力邁健風尚高遠

溫飛

卿集

賀知章嘗與張旭遊於人間凡見人家廳館好牆壁及屏幃忽忘機興發落筆數行如蟲篆鳥飛雖古之

張索不如也

施宿會稽志

李白

李白字太白山東人十歲通詩書既長隱岷山州舉

有道不應賀知章言於玄宗召見詔供奉翰林懇求
還山永王璘辟為府僚佐璘敗詔長流夜郎會赦還
尋陽李陽冰為當塗令白依之

唐書
本傳

李白字太白生於巴西彌月之初母夢長庚故因以
取名卅歲知通書及長好擊劍落落不羈束喜與酒
徒縱飲世有六逸八仙之目賀知章一見號謫仙人
薦之明皇以布衣召見金鑾殿為降輦步迎如見園
綺論世務荅蕃書筆不停綴帝嘉之以寶床賜食於

前手為和羹令待詔金馬門當時榮之未幾不為親
近所喜有詔放還裴回江左依李陽冰愛謝家青山
有終焉之志澄江月滿拏舟夜渡著宮錦袍吟嘯其
間是風塵表物也唐人作詩未有如杜甫時白亦得
差肩於甫至其名章俊語鬱鬱芊芊之氣見於毫端
者固已逼人是豈可與泥筆墨蹊徑者爭工拙哉嘗
作行書有乘興踏月西入酒家不覺人物兩忘身在
世外一帖字畫尤飄逸乃知白不特以詩名也今御

府所藏五 行書 太華峰 乘興帖 草書 歲

時文 詠酒詩

醉中帖

宣和書譜

玄宗命白為宮中行樂詩二人張朱絲闌於前白取

筆抒思十篇立就筆蹟遒利鳳跄龍拏律度對屬無

不精絕

孟榮本事詩

予嘗過當塗訪翰林舊宅又於浮屠寺化城之僧得翰林自寫訪賀監不遇詩云東山無賀老却棹酒船迴味之不足重之為寶用獻知者又於歷陽郡得翰

林與劉尊師書一紙思高筆逸

裴敬翰林學士李白墓碑

李白在開元天寶間不以能書傳今其行草殊不減

古人蓋所謂不煩繩削而自合者與

黃山谷集

藁書世傳李太白遺文或謂謝氏子弟誑武功蘇才
元所書更不復詳考所出而推舉過重便謂不減魯
公然此書雖少繩墨不可考以法度要是軒前輕後
度越凌突令人想見酒酣賦詩時也王僧虔論書或
以其人可想或以其法可存世人喜李太白名至偽

書一卷亦聲價增重豈其以人可想故耶

廣川書跋

滕陽縣廳事前古槐之下有石碣刻壯觀二字殊勁

挺蓋青蓮筆也

六研齋筆記

李白三帖

胡文穆記李白三帖其一云乘興蹋月西入酒家不覺人物兩忘身在世外其二云夜來月下卧醒花影零亂滿人襟袖疑如濯魄於冰壺也其三云樓虛月白秋宇物化於斯憑闌身勢飛動非把酒自忘此興

何極余亦見其一帖云吾頭惜惜試書此不能自辨
賀生為吾讀之雖其字蹟真膺有不可必者然詞語
豪興趣韻自別信非太白不能道也

唐錦龍江
夢餘錄

杜甫

杜甫字子美審言孫天寶初應進士不第獻三大禮
賦玄宗奇之召試文章授京兆府兵曹參軍肅宗徵
兵靈武赴河西拜右拾遺出為華州司功參軍嚴武
鎮成都奏為節度參謀檢校工部員外郎天寶末詩

人甫與李白齊名

舊唐書

常於內閣見子美親書贈衛八處士詩字甚怪偉

胡儼

云見杜詩箋註

甫於楷隸行草無不工

書史會要

鄭虔

鄭虔鄭州滎陽人天寶初為協律郎玄宗愛其才為置廣文館以虔為博士好書常苦無紙於時慈恩寺貯柿葉數屋虔遂往日取葉肄書歲久殆遍嘗自寫其詩并畫以獻帝大署其尾曰鄭虔三絕遷著作郎

安祿山反劫百官置東都虔因稱風緩賊平貶台州

司戶參軍事

唐書本傳

杜甫著作郎台州司戶滎陽鄭公詩云神翰顧不一

體變鍾兼兩文傳天下口大字猶在榜昔獻書畫圖

新詩亦俱往滄洲動玉陛寡鶴誤一響三絕自御題

四方尤所仰

杜工部集

蘇源明

蘇源明京兆武功人工文辭有名天寶間及進士第

累遷國子司業終秘書少監

唐書

五太守宴小洞庭

序蘇源明文并書

王維

王維字摩詰太原祁人進士擢第與弟縉俱有俊才
博學多藝亦齊名天寶末為給事中肅宗授太子中
允乾元中遷尚書右丞維以詩名盛於開元天寶間

書畫特臻其妙

舊唐書
本傳

竇泉述書賦評見前

王縉

王縉字夏卿太原祁人少好學與兄維俱以名聞舉
草澤文辭清麗科上第歷拜黃門侍郎同中書門下

平章事終太子賓客

唐書本傳

維弟太原少尹縉文筆泉藪善草隸

述書賦注

王縉兵部尚書王忠嗣碑題跋見前

張諲

張諲官至刑部員外郎善草隸

唐詩紀事

王維詩序云故人張諲工詩善易卜兼能丹青草隸

王右丞集

韓志清

韓志清官侍御史以學藝書畫之美聞於天下

獨孤及昆

陵集

志清八分楷書優游於法度之內

書史會要

崔倚

崔倚博陵安平人舉進士天寶之亂隱居而終

韓昌黎崔

評事
墓銘

百家巖寺記崔倚正書

史惟則

史惟則天寶中為伊闕尉集賢院待制至殿中侍御

史墨池
編

史惟則廣陵人官至殿中侍御史即諫議大夫白之

子白善飛白
述書
賦注

竇泉述書賦評見前

惟則籀篆八分如王公大人進退有度

史惟則大照禪師碑

史惟則舞陽侯祠堂碑

史惟則造像記

史惟則涼國夫人碑

史惟則大智禪師碑并碑陰記

史惟則書山陰述

史懷則

史懷則與惟則同時必其兄弟也惟則以八分著名
懷則之書不減惟則

金石錄

王適

唐世小篆之學不數家適開元天寶時人亦工八分
當時不甚知名而一時未有及者

歐陽文忠集

王適工分篆

墨池編

胥山銘王適正書

王適虞城李令去思頌

題跋俱見前

田琦

田琦雁門人武德功臣德平之孫工八分小篆署書

圖畫官歷豫蘄許等州刺史

述書
賦注

竇泉述書賦評見前

田琦篆楷八分無不精詣

書史
會要

魏文侯廟碑田琦

八分書

鄭遷

鄭遷官至浚儀尉中書令崔湜之甥遷及弟邁遇並

工八分季弟逾善山水天寶中知名梁宋

述書
賦注

竇泉述書賦評見前

李權

李權淮安王神通曾孫官歷金州刺史工八分

竇泉述書賦評見前 祈雨記李權八分書

李樞

權弟官侍御史工小篆

述書
賦注

華陰令王宥等華嶽題名上方小篆下方分隸皆

樞書

李平鈞

權姪亦善小篆兼妙山水富詞學官江陵掾

述書賦注

李進

李進清河郡公孝節曾孫兵部侍郎

宗室世系表

雍王遊三門記李進書

張從申

張從申長史文場擢第弟從師監察御史從儀灼然
有才從申志業精絕工正行書握管用筆其於結密

近古所少恨於歷覽不多聞見遂寡右軍之外一步

不窺意多搨書關其真蹟妙也

述書
賦注

竇泉述書賦評見前

張從中所書碑李陽冰多為之篆額時人必稱為二

絕

集古
錄

大歷後徐季海已老獨從申高步江淮間同安碑曰

三絕

墨池
編

張從申玄靜先生碑

題跋見前

張從申王師乾神道碑題跋見前

張從申慎律師碑題跋見前

張從師 張從義 張從約

書苑云從申結字縝密從古未有弟從師從義從約

並工書皆得右軍風規時人謂之四龍東觀餘論

劉繪

吾舅諱繪彭城人也延安都督述書賦注

竇泉述書賦評見前

明若山

姨兄明若山西平原人京兆三原縣尉大理評事述書

賦注

竇泉述書賦評見前

竇蒙

竇泉兄字子全司議郎官至南安都護述書賦注

竇泉述書賦評見前 宋武受命壇記竇蒙篆

竇泉

竇泉檢校刑部員外郎宋汴節度叅謀

徐浩古蹟記

竇泉蒙第四弟詞藻雄贍草隸精深平生著碑誌詩
篇賦頌章表凡十餘萬言天寶所獻大同賦三殿蹴踘
賦以諷興諫諍為宗晚年又著述書賦總七千六百

四十言精窮旨要詳辨祕義

法書要錄

竇泉正書華陽三洞景昭大法師碑題跋見前

蔡希逸

蔡希逸曲阿人緱氏主簿

書苑菁華

希逸工草隸

書史會要

蔡希寂

蔡希寂曲阿人渭南尉

唐書藝文志 寶篆云金部郎中

蔡希綜曰第四兄緱氏主簿希逸第七兄洛陽尉希

寂並深工草隸為當代所稱也

蔡希綜法書論

蔡希綜

希綜工翰墨兄弟三人皆為時所重

書史會要

蔡希綜法書論一卷

宋史藝文志

治浦橋記蔡希綜撰

并行書

王敬從

王敬從京兆人對策甲科授岐州陳倉主簿遷秘書省校書郎三入華省再登省闈歷尚書郎中中書舍人御史中丞改太子右庶子與兄易從弟擇從咸以

文學齊名

孫遜集

戶部尚書楊貞公廟碑王敬從題額

李史魚

李史魚趙郡平棘人開元中以多才應詔授秘書省

正字遷監察御史為宰相李林甫所陰中貶萊陽丞

至德二載授御史中丞充河北招諭使

梁肅集

張君

神道碑李史魚正書

郭卓然

郭卓然太原逸人也能篆天寶間嘗募勒雲麾將軍

李府君碑并題額

書史會要

胡山甫

文思博要唐類書也天寶十載十二月楷書臣胡山

甫書字極道麗至唐大中年間方自館中雜書檢出

是時止存一卷後有史館山甫印

珊瑚網

褚朝陽

褚朝陽天寶進士第

唐詩紀事

朝陽當時亦謂之小褚李邕之差肩也

書史會要

洪元脊

洪元脊集石軍越州兩碑真蹟在越州僧正子文處

寶章待

訪錄

休光寺真法師行業讚洪元昏書

王士則

士則書法遒勁瀟灑有李北海張從申之筆

書史會要

尊勝石幢銘崔恁撰王士則八分書

梁耿

梁耿行篆甚善真草相敵

書史會要

宓子賤碑梁耿篆

書

周義

周義不知何許人也天成間作牧泌陽世以翰墨稱
喜懷素書心慕手追作草字得師法有贈懷素草書
歌者義親筆之故字畫尤加奇崛當時如智永夢龜
高閑輩皆以書稱於唐而懷素得王氏義獻法為多
宜其義一意師習之也今御府所藏草書一贈懷素

草書歌

宣和
書譜

吳道玄

吳道玄陽翟人玄宗授內教博士書蹟似薛少保亦

甚便利

歷代名畫記

平康坊菩薩寺食堂東壁上智度論色偈變偈是吳

道元自題筆蹟道勁

段成式京洛寺塔記

羅希奭

羅希奭錢塘人自御史臺主簿遷殿中侍御史出為

始安太守

唐書本傳

京兆府食堂記羅希奭八分書

關操

關操善真行草書

書史會要

造釋迦石像碑關操書

王恒

天寶初蕭穎士奉使括遺書趙衛間留客濮陽尹徵

王恒盧異等皆執弟子禮

蕭穎士傳

王恒能精學書

書史

會要

劉庭琦

開元八年上禁約王公不令與外人交接萬年尉劉

庭琦太祝張諤數與岐王範飲酒賦詩黜庭琦為雅

州司戶諤為山荏丞

舊唐書岐王範傳

劉庭琦能精學書

書史
會要

梁令瓚

開元九年一行改治新歷而太史無黃道儀率府兵曹參軍梁令瓚以木為游儀一行奏令瓚所為日道

月交皆自然契合於推步尤易

唐書天文志

梁張僧繇

五星二十八宿圖梁令瓚篆書星法

茅維南陽名畫表

杜勤

杜甫作醉歌行別從姪勤落第歸詩云陸機二十作

文賦汝更小年能綴文總角草書又神速世上兒子
徒紛紛驊騮作駒已汗血驚鳥舉駟連青雲詞源倒
流三峽水筆陣獨掃千人軍

王定

定字鎮卿官至集賢學士見權文公集 王定能精

學書

書史
會要

劉正臣

劉全諒少有武藝數有戰功授平盧節度使賜名正

臣唐書

劉正臣能精學書書史會要

張志和


張志和字子同會稽人性高邁不拘檢書跡狂逸書史

會要

李泌

李泌字長源德宗時拜中書侍郎同中書門下平章

事封鄴侯 李泌書體放逸書史會要



六藝之一錄卷三百二十七